

ქ.თბილისი

21 ოქტომბერი 2013 წ.

ერთი მხრივ,

შპს „საქართველოს აეროპორტების გაერთიანება“ (მისამართი: საქართველო, ქ. თბილისი, სამგორის რაიონი, აეროპორტი (აეროპორტის დასახლება); ს.კ. №404389693) წარმოდგენილი მისი დირექტორის მოადგილის პაატა ჩიქოვანის სახით (შემდგომში - „შემსყიდველი“) და

მეორე მხრივ,

შპს „რენოვოლ გეოიმპექსი“ (მისამართი: საქართველო, ქ. თბილისი, სანდრო ეულის 1, ს.კ. №205098393) წარმოდგენილი მისი დირექტორის გოჩა გიორგობიანის სახით (შემდგომში - „მიმწოდებელი“)

საქართველოს კანონის „სახელმწიფო შესყიდვების შესახებ“, 10¹ მუხლის მე-3 პუნქტის „დ“ ქვეპუნქტის თანახმად ვდებთ ხელშეკრულებას შემდეგზე:

მუხლი 1. ხელშეკრულების საგანი

ხელშეკრულების საგანს წარმოადგენს ქუთაისის დავით აღმაშენებლის სახელობის საერთაშორისო აეროპორტის საჭიროებისათვის შენობის დასრულების სამუშაოების შესყიდვა (CPV - 45400000) ამ ხელშეკრულებისა და მის განუყოფელ ნაწილად არსებული ხარჯთაღრიცხვის (დანართი №1) შესაბამისად.

მუხლი 2. ხელშეკრულების ღირებულება

2.1. შესყიდვის ობიექტის ფასი განისაზღვრება ლარებში.

2.2. ხელშეკრულების საერთო ღირებულება შეადგენს 28 285,46 (ოცდარვა ათას ორას ოთხმოცდახუთი ლარი და 46 თეთრი) ლარს.

2.3. ხელშეკრულების საერთო ღირებულებაში შედის მიმწოდებლის ყველა ხარჯი, ხელშეკრულებით გათვალისწინებული თანამდევნი ხარჯები და საქართველოს კანონმდებლობით დადგენილი გადასახადები, რომლის გადახდა ეკისრება მიმწოდებელს.

3. შესყიდვის ობიექტის მიღება-ჩაბარების წესი

3.1. შესრულებული სამუშაოს ან მისი ნაწილის მიღება წარმოებს „მიღება-ჩაბარების“ აქტის სახით. აღნიშნული „მიღება-ჩაბარების“ აქტი ფორმდება წერილობითი ფორმით, მიმწოდებლის მიერ წარმოდგენილი სამუშაოს შესრულების დამადასტურებელი დოკუმენტის - ფორმა N2-ის საფუძველზე.

3.2. შესრულების დამადასტურებელი დოკუმენტის - ფორმა N2-ისა (უფლებამოსილი წარმომადგენლების ხელისმომწერით) და მიღება-ჩაბარების აქტის საფუძველზე ხდება საგადასახადო ანგარიშ-ფაქტურის წარდგენა.

3.3. ხელშეკრულების შესრულების კონტროლზე და ხელშეკრულებით გათვალისწინებული მიღება-ჩაბარების აქტების გაფორმებაზე პასუხისმგებელი პირია ვასილ კუნჭულია - აეროდრომებისა და შენობა-ნაგებობების მშენებლობის კოორდინატორი.

მუხლი 4. ანგარიშსწორების პირობები

4.1. მიმწოდებელი შემსყიდველს წარუდგენს შესრულების დამადასტურებელ დოკუმენტს - ფორმა N2, მიღება-ჩაბარების აქტს და ანგარიშ-ფაქტურას ფაქტობრივად განხორციელებულ სამუშაოებზე. შესაძლებელია ეტაპობრივი შესრულებების წარმოდგენაც.

4.2. შემსყიდველი ამოწმებს მიმწოდებლის მიერ წარმოდგენილ შესრულებას და მიმწოდებლისათვის გადასახდელი თანხის ოდენობას.

4.3. შემსყიდველი ვალდებულია მიმწოდებლის მიერ შესაბამისი შესრულების, ორმხრივად ხელმოწერილი მიღება-ჩაბარების აქტისა და ანგარიშ-ფაქტურის წარდგენიდან 10 (ათი) სამუშაო დღის ვადაში განახორციელოს გადახდა.

4.4. ხელშეკრულებით გათვალისწინებული, ანგარიშსწორებისათვის საჭირო დოკუმენტების წარმოდგენლობის ან არასრულად (შეცდომით) წარმოდგენის შემთხვევაში, არ მოხდება თანხის ანაზღაურება.

5. შესყიდვის ობიექტის მიწოდების ვადები და სხვა პირობები

5.1. მიმწოდებელი ვალდებულია შესყიდვის ობიექტით გათვალისწინებული სამუშაოები დაიწყოს ხელშეკრულების გაფორმებისთანავე და დაასრულოს არაუგვიანეს 2013 წლის 30 ნოემბრისა.

5.2. სამუშაოთა შესრულება ხორციელდება ხარჯთაღრიცხვისა (დანართი N1) და გეგმა-გრაფიკის (დანართი N2) შესაბამისად.

5.3. თუ აშკარაა, რომ ხელშეკრულების 5.1. პუნქტში ან/და გეგმა გრაფიკში მითითებული ვადები ირღვევა, მიმწოდებელი ვალდებულია დაუყოვნებლივ აცნობოს ამის შესახებ შემსყიდველს. ამ შემთხვევაში მხარეთა შეთანხმებით შესაძლებელია განხორციელდეს ვადის გადაწევა. ვადის დარღვევის ობიექტური მიზეზ(ებ)ის

არარსებობის შემთხვევაში, შემსყიდველი უფლებამოსილია არ დაეთანხმოს ვადების გადაწევას; ამ შემთხვევაში მიმწოდებელი ვალდებულია მიიღოს ყველა ზომა დამატებითი ძალების მობილიზებისათვის და დარღვეული ვად(ებ)ის აღდგენისათვის. ვადის დარღვევის შემთხვევაში გამოყენებულ იქნება ხელშეკრულების მე-8 მუხლით გათვალისწინებული პირობები.

6. მხარეთა უფლება-მოვალეობანი

6.1. მიმწოდებელი ვალდებულია:

- 6.1.1. სამუშაოს შესრულებისას დაიცვას საქართველოს მოქმედი კანონმდებლობა, სამუშაო შეასრულოს ხელშეკრულების პირობების შესაბამისად, ჯეროვნად და ხარისხიანად;
- 6.1.2. დაუყოვნებლივ შეატყობინოს შემსყიდველს იმ გარემოებათა შესახებ, რომლებიც აბრკოლებენ სამუშაოთა მიმდინარეობას და მის მიერ ნაკისრი სახელშეკრულებო ვალდებულებების სრულფასოვან შესრულებას;
- 6.1.3. საკუთარი ხარჯებით გამოასწოროს მის მიერ ჩატარებულ სამუშაოზე გამოვლენილი დეფექტი ან ნაკლი;
- 6.1.4. სამუშაოების შესრულებისას დაასაქმოს კვალიფიციური მუშახელი;
- 6.1.5. უმოკლეს ვადაში მიაწოდოს შემსყიდველს მის ხელთ არსებული ინფორმაცია მოსალოდნელ მოვლენებზე ან გარემოებებზე, რომლებსაც შეუძლია უარყოფითად იმოქმედონ ხარისხზე, შეაყოვნონ სამუშაოთა ჩატარება ან გაზარდონ სახელშეკრულებო თანხა;
- 6.1.6. შეასრულოს სამუშაო უსაფრთხო და ეკოლოგიურად მისაღები გზით და დაიცვას ამ საკითხთან დაკავშირებით საქართველოს კანონმდებლობით გათვალისწინებული მოთხოვნები, ასევე გაითვალისწინოს აეროპორტის ტერიტორიის განრიგი და საავიაციო უშიშროების მოთხოვნები. წინააღმდეგ შემთხვევაში სრული პასუხისმგებლობა ეკისრება მიმწოდებელს;
- 6.1.7. სამუშაოების დასრულების შემდეგ, მაგრამ არაუგვიანეს ერთი კვირისა, თავისი ძალებით და სახსრებით გაათავისუფლოს სამუშაო ადგილი სამშენებლო მოწყობილობა-დანადგარებისაგან, მასალებისაგან, დროებითი ნაგებობებისაგან და ა.შ.;
- 6.1.8. დროულად განიხილოს შემსყიდველის მიერ წამოჭრილი პრობლემები, რომლებიც დაკავშირებულია ხელშეკრულების შესრულებასთან;
- 6.1.9. ზედმიწევნით დაიცვას წინამდებარე ხელშეკრულებით ნაკისრი სხვა ვალდებულებები.

6.2. შემსყიდველი ვალდებულია:

- 6.2.1. უზრუნველყოს მიმწოდებლისათვის თანხის გადახდა ამ ხელშეკრულების პირობების შესაბამისად;
 - 6.2.2. დროულად განიხილოს მიმწოდებლის მიერ წამოჭრილი პრობლემები, რომლებიც დაკავშირებულია ხელშეკრულების შესრულებასთან;
 - 6.2.3. წერილობითი ფორმით გონივრულ ვადებში აცნობოს მიმწოდებელს სამუშაოს შესრულების დროს აღმოჩენილი რაიმე წუნის შესახებ;
 - 6.2.4. დაიცვას ხელშეკრულებით გათვალისწინებული პირობები.
- 6.3. მიმწოდებელს უფლება აქვს:
- 6.3.1. ხელშეკრულების ფარგლებში მოითხოვოს დროული და სრული დაფინანსება;
 - 6.3.2. მოითხოვოს შემსყიდველისაგან ხელშეკრულების სხვა პირობების დაცვა.

6.4. შემსყიდველს უფლება აქვს:

- 6.4.1. აწარმოოს ხელშეკრულების პირობების შესრულების მონიტორინგი;
- 6.4.2. მოსთხოვოს მიმწოდებელს ხელშეკრულების ჯეროვანი, დროული და კეთილსინდისიერი შესრულება.

7. ხელშეკრულების პირობების გადასინჯვა

- 7.1. ხელშეკრულებაში ნებისმიერი ცვლილების განხორციელების შემთხვევაში, ცვლილება უნდა გაფორმდეს მხარეთა მიერ წერილობითი ფორმით.
- 7.2. ხელშეკრულების პირობების შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლით დადგენილი შემთხვევებისა.
- 7.3. საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში, დაუშვებელია ხელშეკრულების ჯამური ღირებულების 10%-ზე მეტი ოდენობით გაზრდა.

8. მხარეთა პასუხისმგებლობა ხელშეკრულების დარღვევისას

- 8.1. მხარეების მიერ ხელშეკრულებით ნაკისრი ვალდებულების შეუსრულებლობა გამოიწვევს პასუხისმგებლობას მოქმედი კანონმდებლობის შესაბამისად.
- 8.6. ხელშეკრულებით ნაკისრი ვალდებულებების შეუსრულებლობის (მათ შორის არაჯეროვნად შესრულებისათვის) ან ვალდებულების შესრულების ვადების დარღვევის შემთხვევაში, დამრღვევ მხარეს დაეკისრება პირგასამტეხლოს გადახდა ხელშეკრულების ღირებულების 0.1 %-ის ოდენობით.

8.7. საჯარიმო სანქციების გადახდა არ ათავისუფლებს დამრღვევ მხარეს ხელშეკრულებით ნაკისრის ვალდებულებების შესრულებისაგან.

9. გარანტია

9.1. სამუშაოების საგარანტიო ვადა განისაზღვრება 12 (თორმეტი) თვით.

9.2. საგარანტიო ვადის დინება იწყება სამუშაოების დასრულებისა და საბოლოო მიღება-ჩაბარების აქტის გაფორმების თარიღიდან.

9.3. საგარანტიო ვადის განმავლობაში მიმწოდებელი ვალდებულია, საკუთარი ხარჯებით უზრუნველყოს ექსპლუატაციის პროცესში გამოვლენილი დეფექტის აღმოფხვრა, გარდა იმ შემთხვევებისა, როცა დეფექტი მიყენებულია მიმწოდებლისაგან დამოუკიდებელი მიზეზების, არასწორი ექსპლუატაციისა და მექანიკურად დაზიანების გამო.

9.4. თუ საგარანტიო ვადის ათვლიდან შესყიდვის ობიექტის ნორმალური ექსპლუატაციის პირობებში შესყიდვის ობიექტის ცაკლუული სისტემა ან ცალკეული დეტალი სისტემატურად ზიანდება, გამოდის მწყობრიდან ან შეუძლებელი ხდება მისი შემდგომი ექსპლუატაცია, იგულისხმება, რომ იგი უხარისხოა. ასეთ შემთხვევაში, მიმწოდებელი ვალდებულია საკუთარი ხარჯებით შეცვალოს დეტალი ან მოწყობილობა.

9.5. შემსყიდველის მიერ, შესყიდვის ობიექტის ექსპლუატაციაში შესვლის მომენტიდან გამოვლენილი დეფექტის გამოძწვევი მიზეზების დადგენასთან დაკავშირებით, საჭიროების შემთხვევაში შესაძლებელია ჩატარდეს დამოუკიდებელი ექსპერტიზა.

10. ზოგადი დებულებები

10.1. მხარეები ხელმძღვანელობენ ურთიერთპატივისცემის პრინციპით.

10.2. ხელშეკრულებით გაუთვალისწინებელი პირობები რეგულირდება მხარეთა შეთანხმებით და საქართველოს მოქმედი კანონმდებლობით.

10.3. ხელშეკრულების მხარეები ვალდებული არიან გაუფრთხილდნენ თითოეულის სახელს, საქმიან რეპუტაციას და ღირსებას.

10.4. მხარეები ვალდებული არიან დაიცვან ერთობლივი საქმიანობის შედეგად მათთვის ცნობილი მეორე მხარის კონფიდენციალური ინფორმაცია.

10.5. კონფიდენციალობის დარღვევად არ ჩაითვლება შემთხვევა, როდესაც ინფორმაციის გამჟღავნება გათვალისწინებულია კანონმდებლობით.

10.6. მხარეები აუნაზღაურებენ ერთმანეთს მიყენებულ ზარალს საქართველოს კანონმდებლობის შესაბამისად.

10.7. არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წინასწარი წერილობითი თანხმობის გარეშე.

10.8. მესამე პირთან ურთიერთობაში მხარეები მოქმედებენ თავიანთი სახელით, ხარჯებითა და რისკით.

10.9. ხელშეკრულება შედგენილია ქართულ ენაზე, ორ ეგზემპლარად, რომელთაგან თითოეულს აქვს თანაბარი იურიდიული ძალა და ინახება ხელმოწერ მხარეებთან. ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

10.10. ხელშეკრულებაში ხარვეზის არსებობისას, გამოიყენება საქართველოს კანონმდებლობის ნორმები.

11. ფორს-მაჟორი

11.1 მხარეები თავისუფლდებიან ვალდებულების დარღვევით გამოწვეული პასუხისმგებლობისაგან, თუ ასეთი დარღვევა გამოწვეულია ისეთი დაუძლეველი ძალის ზემოქმედებით (ფორსმაჟორული გარემოება), რომლის წინასწარ გათვალისწინება ანდა გონივრული მეთოდებით გადალახვა შეუძლებელია. ასეთი გარემოებებია (და არამხოლოდ) მიწისძვრა, ხანძარი, ქარიშხალი, დიდთოვლობა, წყალდიდობა, ეპიდემია, სამხედრო მოქმედებები, მესამე პირების გაფიცვები, სახელმწიფოს ცენტრალური ან ადგილობრივი ორგანოების გადაწყვეტილება ან გადაწყვეტილების არარსებობა, კანონმდებლობაში შესული ცვლილებები და მისთანანი.

11.2 ფორსმაჟორული გარემოების არსებობა უნდა იყოს საყოველთაოდ ცნობილი ან დადასტურებული უნდა იყოს კომპეტენტური სახელმწიფო ორგანოსა თუ დაწესებულების მიერ ოფიციალურად.

11.3 მხარე ვალდებულია, პირველივე შესაძლებლობისთანავე შეატყობინოს მეორე მხარეს ფორსმაჟორული გარემოების დადგომის შესახებ. წინააღმდეგ შემთხვევაში, მას უფლება ერთმევა, ვალდებულების შეუსრულებლობა გაამართლოს ფორსმაჟორზე მითითებით.

11.4 თუ ფორსმაჟორული გარემოება გრძელდება იმდენ ხანს (მაგრამ უწყვეტად არანაკლებ 10 კალენდარული დღისა), რომ მისი მიზეზით ვერშესრულებადი ვალდებულების შეუსრულებლობა მხარის მიერ მეორე მხარისათვის ისტერესს უკარგავს ამ ხელშეკრულების კვლავ არსებობას, ამ მეორე მხარეს შეუძლია ცალმხრივად შეწყვიტოს ეს ხელშეკრულება.

11.5 მხარეებს შეუძლიათ, ფორს-მაჟორის დადგომის შემთხვევაში, ურთიერთშეთანხმებით შეწყვიტონ, შეაჩერონ ან შეცვალონ ეს ხელშეკრულება.

12. ხელშეკრულების შეწყვეტა

12.1. ხელშეკრულება შეიძლება შეწყვეტილ იქნას:

ა) ურთიერთვალდებულებების შესრულებით;

ბ) მხარეთა შეთანხმებით;

გ) ცალმხრივად შემსყიდველის მიერ, თუ მიმწოდებელი უხეშად ან/და არაერთგზის დაარღვევს თავის სახელშეკრულებო ვალდებულებას;

დ) საქართველოს მოქმედი კანონმდებლობით გათვალისწინებულ სხვა შემთხვევებში.

12.2. ხელშეკრულების ცალმხრივად შეწყვეტის შემთხვევაში, შემსყიდველმა შეწყვეტამდე 10 დღით ადრე უნდა აცნობოს მიმწოდებელს ამის შესახებ.



13. დასკვნითი დებულებები

13.1 წინამდებარე ხელშეკრულება ძალაში შედის მხარეების მიერ მისი ხელმოწერისთანავე და ძალაშია მხარეთა მიერ მათზე დაკისრებული ვალდებულებების სრულ შესრულებამდე, მაგრამ არაუგვიანეს 2013 წლის 31 დეკემბრისა.

13.2 წინამდებარე ხელშეკრულება შედგენილი და მხარეთაგან ხელმოწერილია შევსებული სახით ორ თანაბარი იურიდიული ძალის მქონე ეგზემპლარად თითოეული მხარისთვის

13.3 წინამდებარე ხელშეკრულებას ერთვის დანართი 1 - ხარჯთაღრიცხვა, დანართი 2 - გეგმა-გრაფიკი. აღნიშნული დანართები წარმოადგენს ხელშეკრულების განუყოფელ ნაწილს.

14. მხარეთა რეკვიზიტები

<p>„შემსყიდველი“ შპს „საქართველოს აეროპორტების გაერთიანება“ მისამართი: საქართველო, ქ. თბილისის ისანი სამგორის რაიონში აეროპორტი (აეროპორტის დასახლება) ს.კ № 404 389 693 საბანკო რეკვიზიტები: სს „თი ბი სი ბანკი“, ბანკის კოდი: TBCBGE22 ა/ა: GE47TB0615536070100001</p>  <p>პატა ჩიქოვანი დირექტორის მოადგილე</p>	<p>„მიმწოდებელი“ შპს „რენოკოლ გეოიმპექსი“ მისამართი: საქართველო, ქ. თბილისი, სანდრო ეულის 1 (ფაქტობრივი - გუდაუთის ქ. # 7) ს.კ № 205098393 საბანკო რეკვიზიტები: სს „ბანკი რესპუბლიკა“ ბანკის კოდი: 220101757 ა/ა: GE95BR0000003606037244</p>  <p>გოჩა გიორგობიანი დირექტორი</p>
--	--

ქუთაისის დავით აღმაშენებლის სახელობის საერთაშორისო აეროპორტის საჭიროებისათვის შენობის დასრულების სამუშაოების ხარჯთაღრიცხვა

№	სამუშაოების ჩამონათვალი	განზომ.	რაოდენ.	მასალა		ხელფასი		ჯამი
				ერთ. ფასი	ჯამი	ერთ. ფასი	ჯამი	
1	2	3	4	5	6	7	8	9
	ამსტრონგის ტერის ფილების გამოცვლა		250	10.45	2612.5	5	1250	3862.5
	დაზიანებული კერამიკული ფილის ამოღება	მ2	150.48			4	601.92	601.92
	ამოვარდნილი ფილების ამოღება და ძირის გასუფთავება შემდგომი გამოყენების მიზნით	მ2	180			4	720	720
	ფილის დაგება	მ2	330.48	4.5	1487.16	22.5	7435.8	8922.96
	ტექნიკური სართულის სახურავის დაზიანებული კიდროიზოლაციის გამოცვლა	მ2	308	13	4004	4.5	1386	5390
	მღვ კარების შეღებვა თეთრად RaL	ც	20	20	400	14	280	680
	ჯამი							20177.38
	ზედნადები ხარჯები		10%					2017.74
	სულ							22195.12
	გეგმიური დაგროვება		8%					1775.61
	სულ							23970.73
	ღღ		18%					4314.73
	სულ							28285.46

დირექტორი:

გოჩა გიორგობიანი

